



SAOPŠTENJE ZA JAVNOST

Potvrđena optužnica zbog **Zloupotrebe položaja i ovlaštenja prilikom realizacije programa** **dodjele sredstava za obnovu ratom oštećenih stambenih jedinica**

(Brčko, 05.09.2025. godine)

Osnovni sud Brčko distrikta BiH potvrdio je optužnicu protiv lica D.O (63)*, M.J. (56)*, S.P (55)* i E.Š. (52)* svi iz Brčko distrikta BiH, zbog osnovane sumnje da su izvršili krivična djela u vezi dodjele novčanih sredstava za obnovu ratom oštećenih ili porušenih stambenih jedinica.

Naime, u mjesecu julu 2025. godine po naredbi Tužilaštva Brčko distrikta BiH sprovedene su istražne radnje u Odjeljenju za raseljena lica, izbjeglice i stambena pitanja Vlade Brčko distrikta BiH vezano za postupak realizacije Programa dodjele sredstava za stambeno zbrinjavanje, sanaciju/rekonstrukciju ratom oštećenih/porušenih stambenih jedinica na području Brčko distrikta BiH za 2024. godinu. U toku istrage pribavljeno je dovoljno dokaza koji potvrđuju osnovanu sumnju da su naprijed navedena lica izvršila krivična djela prilikom realizacije programa dodjele sredstava za obnovu ratom oštećenih ili porušenih stambenih jedinica, pa je Tužilaštvo Brčko distrikt BiH protiv istih podiglo optužnicu dana 29. augusta 2025.godine.

Potvrđenom optužnicom, licu D.O. (63)* na teret se stavlja da je izvršila krivično djelo "Obmana pri dobijanju kredita ili drugih pogodnosti" iz člana 262 stav (2) Krivičnog zakona Brčko distrikta BiH usljed čega je ostavila protivpravnu imovinsku korist u iznosu od 27.000,00 KM, dok se licima M.J. (56)*, S.P (55)* i E.Š. (52)* na teret stavlja da su kao javni službenici počinili u saizvršilaštvu produženo krivično djelo "Zloupotreba položaja ili ovlaštenja" iz člana 377 stav (2) Krivičnog zakona Brčko distrikta BiH. Istovremeno sa podizanjem predmetne optužnice, Tužilaštvo Brčko distrikta BiH podnijelo je i Prijedlog za oduzimanje imovinske koristi pribavljene krivičnim djelom u iznosu od 27.000,00 KM.

U daljem toku postupka, Osnovni sud Brčko distrikta BiH zakazati će ročište za izjašnjenje o krivici optuženih lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova/njena krivica.****

**ZAMJENIK
GLAVNOG TUŽIOCA
VLADIMIR TEPAVČEVIĆ**